


日
日
之
函
入

景
德
傳
燈
錄

終
干

土岐文庫
文庫17
W17
15



文庫 17
W17
15



景德傳燈錄卷第二十九

宋沙門道原纂

讚頌偈詩

誌公和尚大乘讚十首

誌公和尚十二時頌十二首

誌公和尚十四科頌

歸宗至真禪師頌一首

香巖龔燈大師頌十九首

筠州洞山和尚頌一首

潭州龍牙和尚頌十八首

玄沙宗一大師頌三首

招慶真覺大師頌二首



昭和六十年二月一日贈
土岐善吉庵氏寄

010185192887

漳州羅漢和尚明道頌一首

南嶽般舟道場勁和尚覺地頌一首

郢州臨溪和尚入道淺深頌五首

大法眼禪師頌十四首 唐白居易八漸偈八首

同安禪師詩十首 雲頂山僧德敷詩十首

僧潤詩三首

菴公吟尚大乘讚十首

齊賢詩

宋心門歌

齊賢詩

梁寶誌和尚大乘讚十首

大道常在目前雖在目前難覩若欲悟道真體莫除

聲色言語言語即是大道不假斷除煩惱煩惱本來

空寂妄情遞相纏繞一切如影如響不知何惡何好

有心取相為實定知見性不了若欲作業求佛業是

生死大兆生死業常隨身黑闇獄中未曉悟理本來

無異覺後誰晚誰早法界量同太虛衆生智心自小

但能不起吾我涅槃法食常飽

妄身臨鏡照影影與妄身不殊但欲去影留身不知

身本同虛身本與影不異不得一有一無若欲存一

作佛心

捨一永與真理相踈更若愛聖憎凡生死海裏沉浮
煩惱因心有故無心煩惱何居不勞分別取相自然
得道須臾夢時夢中造作覺時覺境都無翻思覺時
與夢顛倒一見不殊改迷取覺求利何異販賣商徒
動靜兩亡常寂自然契合真如若言眾生異佛迢迢
與佛常踈佛與眾生不一自然究竟無餘

法性本來常寂蕩蕩無有邊畔安心取舍之間被他
二境迴換斂容人定坐禪攝境安心覺觀機關木人
修道何時得達彼岸諸法本空無著境似浮雲會散
忽悟本性元空恰似熱病得汗無智人前莫說打你

色身星散

報你眾生直道非有即是非無非有非無不二何須
對有論虛有無妄心立號一破一箇不居兩名由爾
情作無情即本真如若欲存情集佛將網山上羅魚
徒費工夫無益幾許枉用工夫不解即心即佛真似
騎驢覓驢一切不憎不愛這箇煩惱須除除之則須
除身除身無佛無因無佛無因可得自然無法無人
大道不由行得說行權為凡愚得理返觀於行始知
枉用工夫未悟圓通大理要須言行相扶不得執他
知解迴光返本全無有誰解會此說教君向已推求

自見昔時罪過除卻五欲瘡疥解脫逍遙自在隨方
賤賣風流誰是發心買者亦得似我無憂

內見外見總惡佛道魔道俱錯被此二大波旬便即
獸苦求樂生死悟本體空佛魔何處安著只由妄情
分別前身後身孤薄輪迴六道不停結業不能除卻
所以流浪生死皆由橫生經略身本虛無不實返本
是誰斟酌有無我自能爲不勞妄心卜度衆生身同
太虛煩惱何處安著但無一切希求煩惱自然消落
可笑衆生蠢蠢各執一般異見但欲傷整求餅不解
返本觀麴麴是正邪之本由人造作百變所須任意

縱橫不假偏耽愛戀無著卽是解脫有求又遭羅罟
慈心一切平等真如菩提自現若懷彼我二心對面
不見佛面

世間幾許癡人將道復欲求道廣尋諸義紛紜自救
已身不了專尋他文亂說自稱至理妙好徒勞一生
虛過永劫沈淪生老濁愛纏心不捨清淨智心自惱
真如法界叢林返作荆棘荒草但執黃葉爲金不悟
棄金求寶所以失念狂走強力裝持相好口內誦經
誦論心裏尋常枯槁一朝覺本心空具足真如不少
聲聞心心斷惑能斷之心是賊賊賊遞相除遣何時

破教家

了本語默口內誦經千卷體上問經不識不解佛法
圓通徒勞尋行數盡頭陀阿練苦行希望後身功德
希望即是隔聖大道何由可得譬如夢裏度河船師
度過河北忽覺牀上安眠失卻度船軌則船師及彼
度人兩箇本不相識衆生迷倒羈絆往來三界疲極
覺悟生死如夢一切求心自息

悟解即是菩提了本無有階梯堪歎凡夫個個八十
不能跋躡徒勞一生虛過不覺日月遷移向上看他
師口恰似失姪孩兒道俗崢嶸聚集終日聽他死語
不觀己身無常心行貪如狼扁堪嗟一乘狹劣要須

摧伏六府不食酒肉五辛邪眼看他飲咀更有邪行
猖狂修氣不食鹽醋若悟上乘至真不假分別男女
寶誌和尚十二時頌

平且寅狂機內有道人身窮苦已經無量劫不信常
擊如意珍若著物入迷津但有纖毫即是塵不往舊
時無相貌外求知識也非真

日出卯用處不須生善巧縱使神光照有無起意便
遭魔事撓若施功終不了日夜被他人我拗不用安
排只麼從何會心地生煩惱

食時辰無明本是釋迦身坐臥不知元是道只麼忙

忙受苦辛認聲色覓踈親只是他家染汙人若擬將
心求佛道問取虛空始出塵

禺中已未了之人教不至假使通達祖師言莫向心
頭安了義只守玄沒文字認著依前還不是暫時自
肯不追尋曠劫不遭魔境使

日南午四大身中無價寶陽燄空華不肯拋作意修
行轉辛苦不曾迷莫求悟任你朝陽幾迴暮有相身
中無相身無明路上無生路

日昧未心地何曾安了義他家文字沒親踈不用將
心求的意在縱橫絕忌諱長在入間不居止運用不

離聲色中歷劫何曾暫拋棄

晡時申學道先須不厭貧有相本來權積聚無形何
用要安真作淨潔卻勞神真認愚癡作近隣言下不
求無處所暫時喚作出家人

日入酉虛幼聲音不長久禪悅珍饈尚不餐誰能更
飲無明酒勿可拋勿可守蕩蕩逍遙不曾有縱你多
聞達古今也是癡狂外邊走

黃昏戌狂子施功投暗室假使心通無量時歷劫何
曾異今日擬商量卻啾唧轉使心頭黑如漆晝夜舒
光照有無癡人喚作波羅蜜

人定亥勇猛精進成懈怠不起纖毫修學心無相光
中常自在超釋迦越祖代心有微塵還質礙放蕩長
如癡兀人他家自有通人愛
夜半子心住無生卽生死生死何曾屬有無用時便
用無文字祖師言外邊事識取起時還不是作意搜
求實沒蹤生死魔來任相試
鷄鳴丑一顆圓光明已久內外推尋覓總無境上施
爲渾大有不見頭亦無手世界壞時渠不朽未了之
人聽一言只這如今誰動口
誌公和尚十四科頌

菩提煩惱不二

衆生不解修道便欲斷除煩惱煩惱本來空寂將道
更欲覓道一念之心卽是何須別處尋討大道只在
目前迷倒愚人不了佛性天真自然亦無因緣修造
不識三毒虛假妄執浮沈生老昔時迷日爲晚今日
始覺非早

持犯不二

丈夫運用無礙不爲戒律所制持犯本自無生愚人
被他禁繫智者造作皆空聲聞觸途爲滯大士肉眼
圓通二乘天眼有翳空中妄執有無不達色心無礙

菩薩與俗同居清淨曾無染世愚人貪著涅槃智者
生死實際法性空無言說緣起略無入子百歲無智
小兒小兒有智百歲

佛與衆生不二殊

衆生與佛無殊太智不異於愚何須向外求寶身由
自有明珠正道邪道不二了知凡聖同途迷悟本無
差別涅槃生死一如究竟攀緣空寂惟求意想清虛
無有一法可得脩然自久無餘

事理不二

心主自在脩然法性本無十纏一切無非佛事何須

攝念坐禪妄想本來空寂不用斷除攀緣智者無心
可得自然無爭無喧不識無爲大道何時得證幽玄
佛與衆生一種衆生卽是世尊凡夫妄生分別無中
執有迷奔了達貪瞋空寂何處不是真門

靜亂不二

聲聞默誼求靜猶如棄麪求餅餅卽從來是麪造作
隨入百變煩惱卽是菩提無心卽是無境生死不異
涅槃貪瞋如燄如影智者無心求佛愚人執邪執正
徒勞空過二生不見如來妙頂了達姪欲性空鑊湯
鑪炭自冷

善惡不二

我自身心快樂，脩然無善無惡。法身自在無方，觸目無非正覺。六塵本來空寂，凡夫妄生執著。涅槃生死平等，四海阿誰厚薄。無爲大道自然，不用將心晝度。菩薩散誕靈通，所作常合妙覺。聲聞執法坐禪，如蠶吐絲自縛。法性本來圓明，病愈何須執藥。了知諸法平等，脩然清虛快樂。

色空不二

法性本無青黃，衆生謾造文章。吾我說他止觀，自意擾擾顛狂。不識圓通妙理，何時得會真常。自疾不能

治療，卻教他人藥方。外看將爲是善心，內猶若豺狼。愚人畏其地獄，智者不異天堂。對境心常不起，舉足皆是道場。佛與衆生不二，衆生自作分張。若欲除卻三毒，迢迢不離災殃。智者知心是佛，愚人樂往西方。生死不二。

世間諸法如幻，生死猶若雷電。法身自在圓通，出入山河無間。顛倒妄想本空，般若無迷無亂。三毒本自解脫，何須攝念禪觀。只爲愚人不了，從他戒律決斷。不識寂滅真如何，時得登彼岸。智者無惡可斷，運用随心合散。法性本來空寂，不爲生死所絆。若欲斷除

煩惱此是無明癡漢煩惱卽是菩提何用別求禪觀
實際無佛無魔心體無形無段

斷除不二

丈夫運用堂堂逍遙自在無妨一切不能爲害堅固
猶若金剛不著一邊中道脩然非斷非常五欲貪瞋
是佛地獄不異天堂愚人妄生分別流浪生死猖狂
智者達色無礙聲聞無不惴惶法性本無瑕翳衆生
妄執青黃如來引接迷愚或說地獄天堂彌勒身中
自有何須別處思量棄卻真如佛像此人卽是顛狂
聲聞心中不了唯只趁逐言章言章本非真道轉加

鬪爭剛彊心裏蛇蝎蝎螫著便卽遭傷不解文中
取義何時得會真常死入無間地獄神識枉受災殃
真俗不二

法師說法極好心中不離煩惱口談文字化他轉更
增他生老真妄本來不二凡夫棄妄覓道四衆雲集
聽講高坐論義浩浩南坐北坐相爭四衆爲言爲好
雖然口談甘露心裏尋常枯燥自巳元無一錢日夜
數他珍寶恰似無智愚人棄卻真金擔草心中三毒
不捨未審何時得道

解縛不二

律師持律自縛自縛亦能縛他外作威儀恬靜心內
恰似洪波不駕生死船筏如何渡得愛河不解真宗
正理邪見言辭繁多有二比丘犯律便卻往問優波
優波依律說罪轉增比丘網羅方丈室中居士維摩
便即來訶優波默然無對淨名說法無過而彼戒性
如空不在內外娑婆勸除生滅不肯忽悟還同釋迦
境照不二

禪師體離無明煩惱從何處生地獄天堂一相涅槃
生死空名亦無貪瞋可斷亦無佛道可成衆生與佛
平等自然聖智惺惺不爲六塵所染句句獨契無生

正覺一念玄解三世坦然皆平非法非律自制儵然
真入圓成絕此四句百非如空無作無依
運用無礙

我今滔滔自在不羨公主卿宰四時猶若金剛苦樂
心常不改法寶喻於須彌智慧廣於江海不爲八風
所牽亦無精進懈怠任性浮沈若顛散誕縱橫自在
遮莫刀劍臨頭我自安然不采

迷悟不二

迷時以空爲色悟卽以色爲空迷悟本無差別色空
究竟還同愚人喚南作北智者達無西東欲覓如來

妙理常在，一念之中。陽燄本非其水，渴鹿狂趁，忽忽
自身虛假，不實將空。更欲覓空，世人迷倒，至甚如犬
吠雷，吐吐。

歸宗智常至真禪師頌一首

歸宗事理絕，日輪正當午。自在如師子，不與物依怙。
獨步四山頂，優游三大路。欠吐飛禽墜，嘔呻衆邪怖。
機豎箭易及，影沒手難覆。施張若工伎，裁剪如尺度。
巧鑿萬般名，歸宗還似土。語默音聲絕，旨妙情難措。
棄箇眼還，聳取箇耳還。一鍬破三關，分明箭後路。
可憐大丈夫，先天爲心祖。

香巖慧燈大師智閑授指頌十九首

古人骨多靈異，賢子孫密安置。此一門成孝義，人未
達莫差池。須志固遣狐疑，得安靜不傾危。向卽遠求
卽離，取卽急失卽遲。無計校忘覺知，濁流識今古。爲
一刹那通變異，差我山石火氣肉裏發。焚巔，莫無遮
欄，燒海底法網。踈靈，欲細六月臥去，衣被蓋不得無
假。爲達道人，唱祖意我師宗。古來諱唯此人善安置，
足法財具慙愧，不虛施用處。諱有人問少呵氣，更審
來說米貴。

最後語

有一語全規矩，休思惟不自許。路逢達道人，揚眉省
來處。蹋不著多疑慮，卻思看帶伴侶。一生參學事無
成，殷勤抱得栴檀樹。

暢玄與崔大夫

達人多隱顯，不定露形儀。語下不遺迹，密密潛護持。
動容揚古路，明妙乃方知。應物但施設，莫道不思議。
達道場與城陰行者

理奧絕思量，根尋徑路長。因效知隔闕，無那被封疆。
人生須特達，起坐覺馨香。清淨如來子，安然坐道場。
與薛判官

一滴滴水，一簇簇火。飲水人醉，向火人老。不飲不向
無復安臥，拗折弓箭。蹋倒射垛，若人要知。先去鉤錐，
人須問我。我是阿誰。快道快道。

與臨瀟縣行者

丈夫咄哉，久被塵埋我。因今由得，入山來揚眉。示我
因茲眼開，老僧手風書。處龍鍾語下，有意的出樊籠。

顯旨

思遠神儀奧，精虛履踐通。見聞離影像，密際語前蹤。
得意塵中妙，投機露道空。藏明照警覺，肯可達真宗。
三句後意

書出語多虛虛中帶有無卻向書前會放卻意中珠
答鄭郎中問二首

語中埋迹聲前露容即時妙會古人同風響應機宜
無自他宗詞起駉駉奮迅成龍

語裏埋筋骨音聲染道容即時才妙會拍手趁乖龍
譚道

的的無兼帶獨運何依賴路逢達道人莫將語默對
與學人玄機

妙旨迅速言說來遲纔隨語會迷卻神機揚眉當問
對面點恰是何境界同道方知

明道

思思似有蹤明明不知處借問示宗實徐徐暗迴顧
玄旨

去去無標的來來只麼來有人相借問不語笑哈哈
與鄧州行者

林下覺身愚緣不帶心珠開口無言說筆頭無可書
人問香巖旨莫道在山居

三跳後

三門前合掌兩廊下行道中庭上作舞後門外搖頭
上根

咄哉莫錯頓爾無覺空處發言龍驚一著小語呼召
妙絕名邈魏魏道流無可披剝
破法身見

向上無爺孃向下無男女獨自一箇身切須了卻去
聞我有此言人人競來取對他一句子不話無言語
獨脚

子啐母啄子覺無礙母子俱亡應緣不錯同道唱和
妙云獨脚

洞山和尚良价無心合道頌
道無心合人人無心合道欲識箇中意一老一不老

龍牙和尚居遁頌十八首

龍牙山裏龍形非世間色世上畫龍人巧巧描不得
唯有識龍人一見便心息

唯念門前樹能容鳥泊飛來者無心喚騰身不慕歸
若人心似樹與道不相違

一得無心便道情六門休歇不勞形有緣不是余朋
友無用雙眉卻弟兄

悟了還同未悟人無心勝負自安神從前古德稱貧
道向此門中有幾人

學道先須有悟由還如曾鬪快龍舟雖然舊閣於空

地一度贏來方始休
心空不及道空安道與心空狀一般參玄不是道空
士乍相逢不易看
自小從師學祖宗閑華猶似纏人蜂僧真不假居雲
外得後知無色自空
學道無端學畫龍元來未得筆頭蹤一朝體得真龍
後方覺從前枉用功
成佛人希念佛多念來歲久卻成魔君今欲得自成
佛無念之人不較多
在夢那知夢是虛覺來方覺夢中無迷時恰是夢中

事悟後還同睡起夫
學道蒙師指卻閑無中有路隱人間饒君講得千經
論一句臨機下口難
菩薩聲聞未盡空人天來往訪真宗爭如佛是無疑
士端坐無心只麼通
此生不息息何時息在平生共要知心息只緣無妄
想妄除心息是休時
迷人未了勸盲聾土上加泥更一重悟人有意同迷
意只在迷中迷不逢
夫人學道莫貪求萬事無心道合頭無心始體無心

道體得無心道亦休

眉間毫相皎光身事見爭如理見親事有只因於理
有理權方便化天人一朝大悟俱消卻方得名為無
事人

人情濃厚道情微道用人情世豈知空有人情無道
用人情能得幾多時

尋牛須訪迹學道訪無心迹在半還在無心道易尋
玄沙師備宗一大師頌三首

玄沙游徑別時人切須知三冬陽氣盛六月降霜時
有語非關舌無言切要辭會我最後句出世少人知

奇哉一靈叟那頓許段段風起引筇篻迷子爭頭湊

設使總不是蝦蟇大張口開口不開口終是犯靈叟
欲識箇中意南星真北斗

萬里神光頂後相沒頂之時何處望事已成意亦休
此箇從來觸處周智者聊聞猛提取莫待須臾失卻

頭

招慶省儉真覺大師頌二首

示執坐禪者

大道分明絕點塵何須長坐始相親遇緣儻解無非
是處慣那能有故新散誕肯齊支遁侶逍遙曷與慧

休隣或遊泉石或闔闔可謂煙霞物外人
示坐禪方便

四威儀內坐爲先澄慮身心漸坦然賢爾有緣隨濁
界當須莫續是天年修持只話從功路至理寧論在
那邊一切時中常管帶因緣相湊豁通玄

漳州羅漢桂琛和尚明道頌一首

至道淵曠勿以言宣言宣非指孰云有是觸處皆渠
豈驗真虛真虛設辨如鏡中現有無雖彰在處無傷
無傷無在何拘何闕不假功成將何法爾法爾不爾
俱爲唇齒若以斯陳埋沒宗旨宗非意陳無以見聞

見聞不脫如水中月於此不明翻爲剩法一法有形
翳汝眼睛眼睛不明世界崢嶸我宗奇特當陽顯赫
佛及衆生皆承恩力不在低頭思量難得拶破面門
覆蓋乾坤快須薦取脫卻根塵其如不曉謾說而今
南嶽惟勁禪師覺地頌一首

略明覺地名同異起復初終互換生性海首建增名
號妙覺還依性覺明體覺俱全於明妙明覺妙覺並
雙行妙覺覺妙元明體全成無漏一真精明覺覺明
明所了或因了相失元明明妙二覺宗體覺體覺性
覺二同明湛覺圓圓無增減此中無佛與衆生不覺

始終非了了不聞迷悟豈惺惺是稱心地如來藏亦
無覺照及無生非生非滅真如海湛然常住名無名
太虛未覺生霞點豈聞微塵有漏聲空漚匪離於覺
海動寂元是一真明覺明體爾合靈皎覺明逐皎致
虧盈差之不返名無覺會之復本始覺生本覺由因
始覺生正覺還依合覺明由他二種成差互遂令渾
作賴耶名具合染淨雙歧路覺明合處異途萌性起
無生不動智不離覺體本圓成性起轉覺翻生所遂
令有漏墮迷盲無明因愛相滋潤名色根本漸次生
七識轉處蒙圓鏡五六生時蔽覺明觸受有取相依

起生老病死繼續行業識茫茫沒苦海徇流浩浩遂
飄零大聖慈悲興救濟一聲用處出三聲智身由從
法身起行身還約智身生智行一身融無二還歸一
體本來平萬有齊合真海印一心普現總圓明湛光
皎皎何依止空性蕩蕩無所停處處示生無生相處
處示滅無滅形珠鏡頓印無來往浮雲聚散勿常程
出沒任真同水月應緣如響化羣情衆生性地元無
染只緣浮妄翳真精不了五陰如空聚豈知四大若
乾城我慢癡山高屹屹無明欲海杳冥冥每逐旃旆
僑誑友常隨猛獸作悲鳴自性轉識翻爲幻自心幻

境自心驚了此幻性同陽燄空華識浪復圓成太虛
忽覺浮雲散始覺虛空本自清今古湛然常皎瑩不
得古今凡聖名

郢州臨谿敬脫和尚入道淺深頌五首

露柱聲聲喚獼猴繩子絆中下莫知由上土方堪看
露柱不聲喚獼猴繩子斷上土笑呵呵中流若爲見
獼猴與露柱未免東西步任唱太平歌徒話超佛祖
我見匠者誇語默玄妙句不善本根源巧布祇園事
少室與摩竭第代稱揚許我今問汝徒誰作將來主
大法眼祖師文益頌十四首

三界唯心

三界唯心萬法唯識唯識唯心眼聲耳色色不到耳
聲何觸眼眼色耳聲萬法成辨萬法匪線豈觀如幻
大地山河誰堅誰變

華嚴六相義

華嚴六相義同中還有異異若異於同全非諸佛意
諸佛意總別何曾有同異男子身中人定時女子身
中不留意不留意絕名字萬象明明無理事

瞻須菩提

須菩提貌古奇說空法法不離信不及又懷疑信得

及復何之倚筇杖視東西
街鼓鳴

鼓鼙運大功滿朝人道路通道路通何所至達者
莫言登寶地

示捨棄慕道

東堂不折桂南華不學僊卻來乾世寺披衣效坐禪
禪若效坐得非想亦何偏經劫守開不出生死為報參禪者須
悟道中玄如何道中玄真規自宛然

金剛經為人輕賤章

詮云持經者證佛地也

寶劍不失虛舟不刻不失不刻彼乎為得倚待不堪

孤然仍則鳥迹虛空有無彌忒思

僧問隨色摩尼珠

摩尼不隨色色裏勿摩尼摩尼與衆色不合不分離

牛頭庵

國城南祖師庵庵舊址依雲嵐獸馴淑人相參忽存

心終不堪

乾闥婆城

乾闥婆城法法皆爾法爾不爾名相真軌日煖月涼

海深山起乾闥婆城是非下矣

因僧看經

今人看古教不免心中鬧欲免心中鬧但知看古教
問僧云會麼對不會
會與不會與汝面對若也面對真箇不會
庭柏盆蓮

一朵菡萏蓮兩株青瘦柏長向僧家庭何勞問高格

正月偶示

正月春順時節情有無皆合悅君要知得誰力更問
誰教誰決

寄鍾陵光僧正

西山巍巍兮聳碧潭水澄澄兮練色對現分明有何

極

白居易八漸偈 并序

唐貞元十九年秋八月有大師曰凝公遷化于東都
聖善寺鉢塔院越明年春二月有東來客白居易作
八漸偈偈六句句四言贊之初居易嘗求心要於師
師賜我言焉曰觀曰覺曰定曰慧曰明曰通曰濟曰
捨錄是入於耳貫於心嗚呼今師之報身則化師之
入言不化至哉八言實無生忍觀之漸門也故自觀
至捨次而贊之廣一言為一偈謂之八漸偈蓋欲以
發揮師之心教且明居易不敢失墜也既而升于堂

禮于牀跪而唱泣而去偈曰

觀

以心中眼觀心外相從何而有從何而喪觀之又觀則辨真妄

覺

惟真常在為妄所蒙真妄苟辨覺生其中不離妄有而得真空

定

真若不滅妄即不起六根之源湛如止水是為禪定乃脫生死

慧

專之以定定猶有繫濟之以慧慧則無滯如珠在盤盤定珠慧

明

大圓鏡有應無情

通 慧至乃明明則不昧明至乃通通則無礙無礙者何變化自在

濟

大慈悲以一濟萬

捨 衆苦既濟大悲亦捨苦既非真悲亦是假是

故衆生實無度者

同安察禪師詩十首

○十文談并序 夫玄談妙句迴出三乘既不
混緣亦非獨立當基應用如朗月以融空轉
 影泯機似明珠而隱海且學徒有等妙理無窮達事
 者稀迷源者衆森羅萬象物上明或理事雙括名
 言俱喪是以懇懇指月莫錯端倪不迷透水之鉅可
 由開拳之寶略序微言以彰事理 卿公事苑云叢
 林所行十玄談皆無序引愚曩游廬阜得其序於同
 安影堂今錄之云耳

心印

問君心印作何顏 心印誰人敢授傳 歷劫坦然無異
 色呼爲心印 早虛言須知本自虛空性 拈喻紅爐
 裏蓮 莫謂無心便是道 無心猶隔一重關

祖意

祖意如空不是空 靈機爭墮有無功 三賢尚未明斯
 旨 十聖那能達此宗 透網金鱗猶滯水 回塗石馬出
 紗籠 殷勤爲說西來意 莫問西來及與東

玄機

迢迢空劫勿能收 豈爲塵機作繫留 妙體本來無處
 所 通身何更有蹤由 靈然一句超羣象 迥出三乘不
 假修 撒手那邊諸聖外 迴程堪作火中牛

塵異

濁者自濁清者清 菩提煩惱等空平 誰言卞璧無人

鑒我道驪珠到處晶萬法泯時全體現三乘分處假
安名丈夫自有衝天氣莫向如來行處行
佛教

三乘次第演金言二世如來亦共宜初說有空人盡
執後非空有衆皆指龍宮滿藏醫方義鶴樹終談理
未去真淨界中纔一念間淨早已八千年

還鄉曲

勿於中路事空王策杖還須達本鄉雲水隔時君莫
往雪山深處我非忘尋思去日顏如玉嗟歎迴來鬢
似霜撒手到家人不識更無一物獻尊堂

破還鄉曲

返本還源事亦差本來無住不名家萬年松逕雪深
覆一帶峯巒雲更遮賓主默時純是妄君臣道合正
中邪還鄉曲調如何唱明月堂前枯木華

轉位歸

涅槃城裏尚猶危陌路相逢沒定期權挂垢衣云是
佛卻裝珍御復名誰木人夜半穿靴去石女天明戴
帽歸萬古碧潭空界月再三撈撈始應知

迴機

披毛戴角人鄧來優鉢羅華火裏開煩惱海中爲雨

露無明山上作雲雷鑊湯鑪炭吹教滅劍樹刀山喝
使摧金鎖玄關留不住行於異類且輪迴

正位前

枯木巖前差路多行人到此盡蹉跎鷺鷥立雪非同
色明月蘆華不似他了了時無所了玄玄玄處亦
須訶殷勤爲唱玄中曲空裏蟾光撮得麼

雲頂山僧德敷詩十首

語默難測

閑坐冥然聖莫知縱言無物比方伊石人把板雲中
拍木女含笙水底吹若道不聞渠未曉欲尋其響你

還疑教君唱和仍須和休問宮商竹與絲

祖教迥異

祖意迥然傳一句教中廣布引三乘淨名倒嶽雷聲
吼鷺子孤潭月影澄鄜市賣魚忘進趣巖林飼虎望
超升雖知同體權方便也似炎天日裏燈

學雖得妙

棲心學道數如塵認得曹谿有幾人若使聖凡無聖
礙便應蕪瓦是修真瞥然一念邪思起已屬多生放
逸因不遇祖師親的指臨機開口卒難陳
問來祇對不得

莫誇祇對句分明執句尋言誤殺卿只合文殊便是
道虧他居士杳無聲見人須棄敲門物知路仍忘埃
子名儻若不疑言會盡何妨默默過浮生
無指的

不居南北與東西上下虛空豈可齊現小毛頭猶道
廣變長天外尚嫌低頓乾四海紅塵起能竭三塗黑
業迷如此萬般皆屬壞更須前進問曹谿
自樂僻執

雖然僻執不風流懶出松門數十秋合掌有時慵問
佛折腰誰肯見王侯電光夢世非堅久欲火蒼生早

晚休自蘊本來靈覺性不能暫使挂心頭

問答須知起倒

問答須教知起倒龍頭蛇尾自欺謾如玉乘劍由王
意似鏡當臺待鏡觀取眼參差千里莽低頭思慮萬
重灘各於此道爭深見何管前程作野干

言行相扶

言語行時不易行如鳥如兔兩光明寧關晝夜精勤
得非是貪瞋懈怠生菩薩尚猶難說到聲聞焉敢擬
論評然無地位長閑坐誰料龍神來捧迎
一句子

丁句于玄不可盡，颯然會了奈渠何。非干世事成無事，祖教心魔是佛魔。貧子喻中明此道，獻珠偈裏顯張羅。空門有路平兼廣，痛切相招誑肯過。

古今大意

古今以拂示東南，大意幽微肯易參。動指掩頭元是一斜眸，拊掌固非三道吾。舞筵同人會石鞮，響弓作者諳此理。若無師印授，欲將何見語玄談。

僧潤詩三首

因覽寶林傳

祖月禪風集寶林，二千餘載道堪尋。雖分西國與東

國，不隔人心到佛心。迦葉最初傳去盛，慧能末後得來深。覽斯頓悟超凡衆，嗟彼常迷古與今。

贈道者

一語真空出世間，可憐迷者蟻循環。此生勝坐三禪樂，好句長吟萬事閑。秋月圓來看盡夜，野雲散去落何山。到頭自了方爲了，休執他經扣祖關。

贈禪客

了妄歸真萬慮空，河沙凡聖體通同。迷來盡似蛾投燄，悟去皆如鶴出籠。片月影分千澗水，孤松聲任四時風。直須密契心心地，休苦勞生睡夢中。

景德傳燈錄卷第二十九

音釋

鏊五到切 胥古汝切 羈居宜切 偃偃於武切
 也曲背也 姝奴蟹切 咀慈語切 拗於教切 沒免切 燈都陵切
 也也 禺語俱切 眈徒結切 兀五忽切 兀兀不動貌 條相邀切 叵都陵切
 火紅切 欠張口運氣切 欠欠也 巔巔都年切 叵都陵切 叵都陵切
 貌貌 駮駮五駮切 駮駮也 哈呼來切 啐子律切 閱子律切
 五限也 漑切 啻矢利切 諳烏含切 諳悉也 八八千五百七十箇
 丹陽居士賀學禮施費刻此
 景德傳燈錄卷二十九計字八千五百七十箇
 平湖沙彌在照對山長川徐普書南昌萬志刻
 萬曆丙申秋月徑山叔照庵識

景德傳燈錄卷第三十

宋沙門道原纂

銘記箴歌

傅大士心王銘

三祖僧璨大師信心銘

牛頭山初祖法融禪師心銘

僧亡名息心銘

菩提達磨略辯大乘入道四行

弟子曇琳序

荷澤大師顯宗記

南嶽石頭大師參同契

五臺山鎮國大師澄觀答皇太子問心要

杭州五雲和尚坐禪箴

永嘉真覺大師證道歌

騰騰和尚了元歌

南嶽懶瓚和尚歌

石頭和尚草庵歌

道吾和尚樂道歌

杯渡禪師一鉢歌

樂普和尚浮漚歌

蘇谿和尚牧護歌

法燈禪師古鏡歌三首

潭州龍會道尋徧參三昧歌

丹霞和尚翫珠吟二首 關南長老獲珠吟

香巖和尚勵覺吟歸寂吟二首

韶山和尚心珠歌 魏府華嚴長老示眾語

傳大士心王銘

觀心空王玄妙難測無形無相有大神力能滅千災
成就萬德體性雖空能施法則觀之無形呼之有聲
為大法將心戒傳經水中盪味色裏膠青決定是有
不見其形心王亦爾身內居傳面門出入應物隨情
自在無礙所作皆成了本識心識心見佛是心是佛
是佛是心心念念佛心念佛欲得早成戒心自律
淨律淨心心即是佛除此心王更無別佛欲求成佛
莫染一物心性雖空貪瞋體實入此法門端坐成佛
到彼岸已得波羅蜜慕道真士自觀自心知佛在內

身語意皆淨

不向外尋卽心卽佛卽佛卽心心明識佛曉了識心
離心非佛離佛非心非佛莫測無所堪任執空滯寂
於此漂流諸佛菩薩非此安心明心大士悟此玄音
身心性妙用無更改是故智者放心自在莫言心王
空無體性能使色身作邪作正非有非無隱顯不定
心性離空能凡能聖是故相勸好自防慎剎那造作
還復漂流清淨心智如世黃金般若法藏並在身心
無爲法寶非淺非深諸佛菩薩了此本心有緣遇者
非去來今

三祖僧璨大師信心銘

至道無難唯嫌揀擇但莫憎愛洞然明白毫釐有差
天地懸隔欲得現前莫存順逆違順相爭是爲心病
不識玄旨徒勞念靜圓同太虛無欠無餘良由取捨
所以不如莫逐有緣勿住空忍一種平懷泯然自盡
止動歸止止更彌動唯滯兩邊寧知一種一種不通
兩處失功遣有沒從空背空多言多慮轉不相應
絕言絕慮無處不通歸根得旨隨照失宗須臾返照
勝卻前空前空轉變皆由妄見不用求真唯須息見
二見不住慎莫追尋才有是非紛然失心二由一有
一亦莫守一心不生萬法無咎無咎無法不生不心

能隨境滅境逐能沈境由能境能由境能欲知兩段
元是一空一空同兩齊含萬象不見精麤寧有偏黨
大道體實無易無難小見狐疑轉急轉遲執之失度
必入邪路放之自然體無去住任性合道逍遙絕惱
繫念垂真昏沈不好不好勞神何用踈親欲取一乘
勿惡六塵六塵不惡還同正覺智者無為愚人自縛
法無異法妄自愛著將心用心豈非大錯迷生寂亂
悟無好惡一切一邊良由斟酌夢幻虛華何勞把捉
得失是非一時放卻眼若不睡諸夢自除心若不異
萬法一如一如體玄兀爾忘緣萬法齊觀歸復自然

泯其所以不可方比止動無動動止無止兩既不
一何有爾究竟窮極不存軌則契心平等所作俱息
狐疑盡淨正信調直一切不留無可記憶虛明自照
不勞心力非思量處識情難測真如法界無他無自
要急相應唯言不二不二皆同無不包容十方智者
皆入此宗宗非促延一念萬年無在不在十方目前
極小同大忘絕境界極大同小不見邊表有即是無
無即是若有若不如此必不須守一卽一切一切卽一
但能如是何慮不畢信心不二不二信心言語道斷
非去來今

牛頭山初祖法融禪師心銘

心性不生何須知見本無一法誰論熏鍊往返無端
追尋不見一切莫作明寂自現前際如空知處迷宗
分明照境隨照冥蒙一心有滯諸法不通去來自爾
胡假推窮生無生相生照一同欲得心淨無心用功
縱橫無照最爲微妙知法無知無知知要將心守靜
猶未離病生死忘懷卽是本性至理無詮非解非纏
靈通應物常在目前目前無物無物宛然不勞智鑒
體自虛玄念起念滅前後無別後念不生前念自絕
三世無物無心無佛衆生無心依無心出分別凡聖

煩惱轉盛計校乖常求真背正雙泯對治湛然明淨
不須功巧守嬰兒行惺惺了知見網轉彌寂寂無見
暗室不移惺惺無妄寂寂明亮萬象常真森羅一相
去來坐立一切莫執決定無方誰爲出入無合無散
不遲不疾明寂自然不可言及心無異心不斷貪淫
性空自離任運浮沈非清非濁非淺非深本來非古
見在非今見在無住見在本心本來不存本來卽今
菩提本有不須用守煩惱本無不須用除靈知自照
萬法歸如無歸無受絕觀忘守四德不生三身本有
六根對境分別非識一心無妄萬緣調直心性本齊

同居不攜無生順物隨處幽棲覺由不覺卽覺無覺
得失兩邊誰論好惡一切有爲本無造作知心不心
無病無藥迷時捨事悟罷非異本無可取今何用棄
謂有魔興言空象備莫滅凡情唯教息意意無心滅
心無行絕不用證空自然明徹滅盡生死真心入理
開目見相心隨境起心處無境境處無心將心滅境
彼此由侵心寂境如不遣不拘境隨心滅心隨境無
兩處不生寂靜虛明菩提影現心水常清德性如愚
不立親疎寵辱不變不擇所居諸緣頓息一切不憶
永日如夜永夜如日外似頑巖內心虛直對境不動

有力大人無人無見無見常現通達一切未嘗不徧
思惟轉昏汙亂精覓將心止動轉止轉奔萬法無所
唯有一門不入不出非靜非誼聲聞緣覺智不能論
實無一物妙智獨存本際虛沖非心所窮正覺無覺
真空不空三世諸佛皆乘此宗此宗毫末沙界舍容
一切莫顧安心無處無處安心虛明自露寂靜不生
放曠縱橫所作無滯去住皆平慧日寂寂定光明明
照無相苑朗涅槃城諸緣忘畢詮神定質不起法座
安眠虛室樂道恬然優游真實無爲無得依無自出
四等六度同一乘路心若不生法無差互知生無生

現前常住智者方知非言詮悟
僧云名息心銘

法界有如意寶人焉久緘其身銘其膺曰古之攝心
人也戒之哉戒之哉無多慮無多知多知多事不如
息意多慮多失不如守一慮多志散知多心亂心亂
生惱志散妨道勿謂何傷其苦攸長勿言何畏其禍
鼎沸滴水不停四海將盈纖塵不拂五嶽將成防未
在本雖小不輕關爾七竅閉爾六情莫現於色莫聽
於聲聞聲者聾見色者盲一文一藝空中小蚋一伎
一能日下孤燈英賢才藝是為愚蔽捨棄淳朴耽溺

淫麗識馬易奔心猿難制神既勞役形必損斃邪行
終迷脩途永泥莫貴才能日益昏瞶誇拙羨巧其德
不弘名厚行薄其高速崩內懷憍伐外致怨憎或談
於口或書於手邀人令譽亦孔之醜凡謂之吉聖謂
之咎賞翫暫時悲哀長久畏影畏迹逾遠逾極端坐
樹陰跡滅影沉獸生患老隨思隨造心想若滅生死
長絕不死不生無相無名一道虛寂萬物齊平何貴
何賤何辱何榮何勝何劣何重何輕澄天愧淨皎日
慙明安夫岱嶺同彼金城敬貽賢哲斯道利貞
菩提達磨略辨大乘入道四行

弟子曇一
序

法師者西域南天竺國人是大婆羅門國王第三之子也神慧踈朗聞皆曉悟志存摩訶行道故捨素從緇紹隆聖種冥心虛寂通鑒世事內外俱明德超世表悲悔邊隅正教陵替遂能遠涉山海遊化漢魏忘心之士莫不歸信存見之流乃生譏謗于時唯有道育慧可此二沙門年雖後生俊志高遠幸逢法師事之數載虔恭諮啓善蒙師意法師感其精誠誨以真道令如是安心如是發行如是順物如是方便此是大乘安心之法令無錯謬如是安心者壁觀如是發行者四行如是順物者防護譏嫌如是方便者遺其不

著此略序所由云爾夫入道多途要而言之不出二種一是理入二是行人理入者謂藉教悟宗深信含生同一真性但爲客塵妄想所覆不能顯了若也捨妄歸真凝住壁觀無自無他凡聖等一堅住不移更不隨於文教此卽與理冥符無有分別寂然無爲名之理入行人者謂四行其餘諸行悉入此中何等四邪一報冤行二隨緣行三無所求行四稱法之行云何報冤行謂修道人若受苦時當自念言我從往昔無數劫中棄本從未流浪諸有多起冤憎違害無限今雖無犯是我宿殃惡業果熟非天非人所能見

與甘心忍受都無冤訴經云逢苦不憂何以故識達
故此心生時與理相應體冤進道故說言報冤行二
隨緣行者衆生無我並緣業所轉苦樂齊受皆從緣
生若得勝報榮譽等事是我過去宿因所感今方得
之緣盡還無何喜之有得失從緣心無增減喜風不
動冥順於道是故說言隨緣行也三無所求行者世
人長迷處處貪著名之爲求智者悟真理將俗反安
心無爲形隨運轉萬有斯空無所願樂功德黑暗常
相隨逐三界久居猶如火宅有身皆苦誰得而安了
達此處故捨諸有息想無求經云有求皆苦無求乃

樂判知無求真爲道行故言無所求行也四稱法行
性淨之理目之爲法此理衆相斯空無染無著無此
無彼經云法無衆生離衆生垢故法無有我離我垢
故智者若能信解此理應當稱法而行法體無礙於
身命財行檀捨施心無恡惜達解三空不倚不著但
爲去垢稱化衆生而不取相此爲自行復能利他亦
能莊嚴菩提之道檀施既爾餘五亦然爲除妄想修
行六度而無所行是爲稱法行

荷澤大師顯宗記

無念爲宗無作爲本真空爲體妙有爲用夫真如無

念非想念而能知實相無生豈色心而能見無念念者即念真如無生生者即生實相無住而住常住涅槃無行而行即超彼岸如如不動動用無窮念念無求求本無念菩提無得淨五眼而了三身般若無知運六通而弘四智是知即定無定即慧無慧即行無行性等虛空體同法界六度自茲圓滿道品於是無虧是知我法體空有無雙泯心本無作道常無念無念無思無求無得不彼不此不去不來體悟三明心通入解功成十力富有七珍入不二門獲二乘理妙中之妙即妙法身天中之天乃金剛慧湛然常寂應

用無方用而常空空而常用用而不有即是真空空而不無便成妙有妙有即摩訶般若真空即清淨涅槃般若是涅槃之因涅槃是般若之果般若無見能見涅槃涅槃無生能生般若般若名異體同隨義立名故云法無定相涅槃能生般若即名真佛法身般若能建涅槃故號如來知見知即知心空寂見即見性無生知見分明不一不異故能動寂常妙理事皆如如即處處能通達即理事無礙六根不染即定慧之功六識不生即如如之力心如境謝境滅心空心境雙亡體用不異真如性淨慧鑒無窮如冰分

千月能見聞覺知見聞覺知而當空寂空即無相寂
即無生不被善惡所拘不被靜亂所攝不猷生死不
樂涅槃無不能無有不能行住坐臥心不動搖一
切時中獲無所得三世諸佛教旨如斯即菩薩慈悲
遮相傳受自世尊滅後西天二十八祖共傳無住之
心同說如來知見至於達磨屈此為初遞代相承於
今不絕所傳祕教要藉得人如王髻珠終不妄與福
德智慧二種莊嚴行解相應方能建立衣為法信法
是衣宗唯指衣法相傳更無別法內傳心印即契本
心外傳袈裟將表宗旨非衣不傳於法非法不受於

衣衣是法信之衣法是無生之法無生即無虛妄乃
是空寂之心知空寂而了法身了法身而真解脫
南嶽石頭和尚參同契
竺土大僊心東西密相付人根有利鈍道無南北祖
靈源明皎潔枝派暗流注執事元是迷契理亦非悟
門門一切境迴互不迴互迴而更相涉不爾依位住
色本殊質象聲元異樂苦暗合上中言明明清濁句
四大性自復如子得其母火熱風動搖水濕地堅固
眼色耳音聲鼻舌鹹醋然依一一法依根葉分布
本末須歸宗尊卑用其語當明中有暗勿以暗相遇

當暗中有明勿以明相觀明暗各相對比如前後步
萬物自有功當言用及處事存函蓋合理應箭鋒拄
承言須會宗勿自立規矩觸目不會道運足焉知路
進步非近遠迷隔山河固謹白參玄八光陰莫虛度
五臺山鎮國大師澄觀答皇太子問心要
至道本乎其心心法本乎無性無住心體靈知不昧
性相寂然包含德用該攝內外能深能廣非有非空
不生不滅無終無始求之而不得棄之而不離迷現
量則感苦紛然悟真性則空明廓徹雖即心即佛唯
證者方知然有證有知則慧日沉沒於有地若無照

無悟則昏雲掩蔽於空門若一念不生則前後際斷
照體獨立物我皆如直造心源無知無得不取不捨
無對無修然迷悟更依真妄相待若求真去妄猶棄
影勞形若體妄即真似處陰影滅若無心忘照則萬
慮都捐若任運寂知則衆行爰起放曠任其去住靜
覺其源流語默不失玄微動靜未離法界言止則
雙亡知寂論觀則雙照寂知語證則不可示人說理
則非證不了是以悟寂無寂真知無知以知寂不二
之一心契空有雙融之中道無住無著莫攝莫收是
非兩亡能所雙絕斯絕亦寂則般若現前般若非心

外新生智性乃本來具足然本寂不能自現實由般
若之功般若之與智性翻覆相成本智之與始修實
無兩體雙亡正入則妙覺圓明始末該融則因果交
徹心心作佛無一心而非佛心處處成道無一塵而
非佛國故真妄物我舉一全收心佛衆生渾然齊致
是知迷則人隨於法法法萬差而人不同悟則法隨
於人人人一智而融萬境言窮慮絕何果何因體本
寂寥孰同孰異唯忘懷虛朗消息沖融其猶透水月
華虛而可見無心鑑象照而常空矣

杭州五雲和尚坐禪箴

坐不拘身禪非涉境拘必乃疲涉則非靜不涉不拘
真光迥孤六門齊應萬行同敷嗟爾初機未達玄微
處沉隨掉能所支離不有權巧胡為對治驅策抑按
均調惛亂息慮忘緣乍同死漢隨宜合開靡專壁觀
達磨大師正付法眼外委示初機馳想頗多安那鉢
修心之要略四門由行匪專一也那
或掉舉猛利及惛住等宜易觀沿流劔閣無滯木
那修於數息或出入不得交互鷲如火得冰如病得醫病瘳醫罷火滅水傾一念清
淨體寂常靈是靈是寂非靈非寂是非迭生犯過無
極前滅後興還如步走患乎不知知則無咎日由瞽
夜鏡奚照後此則不然圓明通透照而不緣寂而誰

守萬象瀛漚太虛閃電摧壞魔宮衝倒佛殿跛者得履瞽者發見法界塵寰齊輪頓現曠蕩郊野或坐或眠既明方便乃號金僊吾雖強說爰符聖言聖言何也要假重宣不動不禪是無生禪又云若學諸三昧是動非坐禪心隨境界流云何名爲定故知歷代祖唯傳此一心祖光既遠大吾子幸堪任聊述無言旨乃曰坐禪箴

永嘉真覺大師證道歌

君不見絕學無爲閑道人不除妄想不求真無明實性卽佛性幻化空身卽法身法身覺了無一物本源

自性天真佛五陰浮雲空去來三毒水泡虛出沒證實相無人法剎那滅卻阿鼻業若將妄語誑衆生自招拔舌塵沙劫頓覺了如來禪六度萬行體中圓夢裏明明有六趣覺後空空無大千無罪福無損益寂滅性中莫問覓比來塵鏡未曾磨今日分明須剖析誰無念誰無生若實無生無不生喚取機關木人問求佛施功早晚成放四大莫把捉寂滅性中隨飲啄諸行無常一切空卽是如來大圓覺決定說表真乘有人不肯任情徵直截根源佛所印摘葉尋枝我不能摩尼珠人不識如來藏裏親收得六般神用空不

空一顆圓光色非色淨五眼得五力唯證乃知誰可
測鏡裏看形見不難水中捉月爭拈得常獨行常獨
步達者同遊涅槃路調古神清風自高貌悴骨剛人
不顧窮釋子口稱貧實是身貧道不貧貧則身常披
縷褐道卽心藏無價珍無價珍用無盡利物應時終
不吝三身四智體中圓八解六通心地印上上土一決
一切了中下多聞多不信但自懷中解垢衣誰能向
外誇精進從他誇任他非把火燒天徒自疲我聞恰
似飲甘露銷融頓入不思議觀惡言是功德此則成
吾善知識不因訛詢起怨親何表無生慈忍力宗亦

通說亦通定慧圓明不滯空非但我今獨達了河沙
諸佛體皆同師子吼無畏說百獸聞之皆腦裂香象
奔波失卻威天龍寂聽生欣悅遊江海涉山川尋師
訪道爲參禪自從認得曹谿路了知生死不相干行
亦禪坐亦禪語默動靜體安然縱遇鋒刀常坦坦假
饒毒藥也閑閑我師得見然燈佛多劫曾爲忍辱僊
幾迴生幾迴死生死悠悠無定止自從頓悟了無生
於諸榮辱何憂喜入深山住蘭若岑峯幽邃長松下
優游靜坐野僧家閒寂安居實蕭灑覺卽了不施功
一切有爲法不同住相布施生天福猶如仰箭射虛

空勢力盡箭還墜招得來生不如意爭似無爲實相
門一超直入如來地但得本莫愁未如淨瑠璃合寶
月既能解此如意珠自利利他終不竭江月照松風
吹永夜清宵何所爲佛性戒珠心地印霧露雲霞體
上衣降龍鉢解虎錫兩股金環鳴歷歷不是標形虛
事持如來寶杖親蹤跡不求真不斷妄了知二法空
無相無相無空無不空卽是如來真實相心鏡明鑿
無礙廓然瑩徹周沙界萬象森羅影現中一顆圓明
非內外豁達空撥因果漉漉蕩蕩招殃禍棄有著空
病亦然還如避溺而投火捨妄心取真理取捨之心

成巧偽學人不了用修行真成認賊將爲子損法財
滅功德莫不由斯心意識是以禪門了卻心頓入無
生知見力大丈夫秉慧劍般若鋒今金剛能非但能
摧外道心早曾落卻天魔膽震法雷擊法鼓布慈雲
兮灑甘露龍象蹴蹋潤無邊三乘五性皆惺悟雪山
肥膩更無雜純出醍醐我常納一性圓通一切性一
法徧含一切法一月普現一切水一切水月一月攝
諸佛法身入我性我性還共如來合一地具足一切
地非色非心非行業彈指圓成八萬門剎那滅卻阿
鼻業一切數句非數句與吾靈覺何交涉不可毀不

可讚體若虛空勿涯岸不離當處常湛然竟則知君
不可見取不得捨不得不可得中只麼得默時說說
時默大施門開無壅塞有人問我解何宗報道摩訶
般若九或是或非人不識逆行順行天莫測吾早曾
經多劫修不是等閑相誑惑建法幢立宗旨明明佛
勅曹谿是第一迦葉首傳燈二十八代西天記法東
流入此土菩提達磨爲初祖六代傳衣天下聞後人
得道無窮數真不立妄本空有無俱遣不空空二十
空門元不著一性如來體自同心是根法是塵兩種
猶如鏡上痕痕垢盡除光始現心法雙亡性卽真

末法惡時世衆生福薄難調制去聖遠兮邪見深魔
強法弱多怨害闡說如來頓教門恨不滅除令瓦碎
作在心殃在身不須怨訴更尤人欲得不招無間業
莫謫如來正法輪栴檀林無雜樹鬱密深沉師子住
境靜林間獨自遊走獸飛禽皆遠去師子兒衆隨後
三歲卽能大哮吼若是野干逐法王百年妖怪虛開
口圓頓教勿人情有疑不決直須爭不是山僧逞人
我修行恐落斷常坑非不非是不是差之毫釐失千
里是卽龍女頓成佛非卽善星生陷墜吾早年來積
學問亦曾討疏尋經論分別名相不知休入海算沙

徒自困卻被如來苦訶責數他珍寶有何益從來踏
踏覺虛行多年枉作風塵客種種性邪錯知解不達如
來圓頓制一乘精進勿道心外道聰明無智慧亦愚
癡亦小駭空拳指上生實解執指爲月枉施功根境
法中虛捏怪不見一法卽如來方得名爲觀自在了
卽業障本來空未了還須償宿債飢逢王膳不能餐
病遇醫王爭得差在欲行禪知見力火中生蓮終不
壞身施犯重悟無生早時成佛于今在師子吼無畏
說深嗟懵懂頑皮靴只知犯重障菩提不見如來開
祕訣有一比丘犯姪殺波離螢光增罪結維摩大士

頓除疑還同赫白銷霜雪不思議解脫力此卽成吾
善知識四事供養敢辭勞萬兩黃金亦銷得粉骨碎
身未足酬一句了然超百億法中王最高勝河沙如
來同其證我今解此如意珠信受之者皆相應了了
見無一物亦無人亦無佛大千世界海中漚一切聖
賢如電拂假使鐵輪頂上旋定慧圓明終不失日可
冷月可熱衆魔不能壞真說象駕崢嶸謾進途誰見
蟾蜍能拒轍大象不遊於兔徑大悟不拘於小節莫
將管見謫蒼蒼未了吾今爲君決
騰騰和尚了元歌

修道道無可修問法法無可問迷人不了色空悟者
本無逆順八萬四千法門至理不離方寸識取自家
城郭莫謾尋他州郡不用廣學多聞不要辯才聰俊
不知月之大小不管歲之餘閏煩惱卽是菩提淨華
生於泥糞人來問我若爲不能共伊談論寅朝用粥
克飢齋時更餐一頓今日任運騰騰明日騰騰任運
心中了了總知且作佯癡縛鈍
南嶽懶瓚和尚歌
兀然無事無改換無事何須論一段直心無散亂他
事不須斷過去已過去未來猶莫算兀然無事坐何

曾有人喚向外覓工夫總是癡頑漢糧不畜一粒逢
飯但知噉世間多事人相趁渾不及我不樂生天亦
不愛福田饑來喫飯困來卽眠愚人笑我智乃知焉
不是癡鈍本體如然要去卽去要住卽住身披一破
衲脚著孃生袴多言復多語由來反相誤若欲度衆
生無過且自度莫謾求真佛真佛不可見妙性及靈
臺何曾受熏鍊心是無事心面是孃生面劫石可移
動箇中無改變無事本無事何須讀文字消除人我
本冥合箇中意種種勞筋骨不如林下睡兀兀舉頭
見日高乞飯從頭律將功用功展轉冥蒙取卽不得

得道
自

長安傳燈錄卷三十一

不取自通吾有一言絕慮世緣巧說不得只用心傳
更有一語無過直與細如毫末大無方所本自圓成
不勞機杼世事悠悠不如山丘青松蔽日碧澗長流
山雲當幕夜月為鉤臥藤蘿下塊石枕頭不朝天字
豈羨王侯生死無慮更復何憂水月無形我常只寧
萬法皆爾本自無生兀然無事坐春來草自青
石頭和尚草庵歌

吾結草庵無寶貝飯了從容圖睡快成時初見茆草
新破後還將茆草蓋住庵人鎮常在不屬中間與內
外世人住處我不住世人愛處我不愛庵雖小含法

界方丈老人相體解上乘菩薩信無疑中下聞之必
生怪問此庵壞不壞壞與不壞主元在不居南北與
東西基址堅牢以為最青松下明窻內玉殿朱樓未
為對衲被蒙頭萬事休此時山僧都不會住此庵休
作解誰誇鋪席圖人買迴光返照便歸來廊達靈根
非向背遇祖師親訓誨結草為庵莫生退百年拋卻
任縱橫擺手便行且無罪千種言萬般解只要教君
長不昧欲識庵中不死人豈離而今這皮袋

道吾和尚樂道歌
樂道山僧縱性多天迴地轉任從他閑臥孤峯無伴

侶獨唱無生一曲歌無生歌出世樂堪笑時人和不
著暢情樂道過殘生張三李四渾忘卻大丈夫須氣
槩莫順人情無妨礙汝言順卽是菩提我謂從來自
相肯有時憨有時癡非我途中爭得知特達一生常
任運野客無鄉可得歸今日山僧只這是元本山僧
更若爲探祖機空王子體似浮雲沒隈倚自古長披
一衲衣曾經幾度遭寒暑不是真不是偽打鼓樂神
施拜跪明明一道漢江雲青山綠水不相似稟性成
無措改結肉羅紋不相礙或運慈悲喜捨心或卽逢
人以棒闔慈悲恩愛落牽纏棒打教伊破恩愛報乎

月下旅中人若有恩情吾爲改

杯渡禪師一鉢歌

邈喇喇聞聒聒總是悠悠造抹搯如饑喫鹽加得渴
枉卻一生頭拚拚究竟不能知始末拋卻死屍何處
脫勸君努力求解脫閑事到頭須結撮火落身上當
須撥莫待臨時叫菩薩丈夫語話須豁豁莫學癡人
受摩拏趁時結裏學擺撥也學柔和也麤糲也剃頭
也披褐也學凡夫作生活直語向君君未達更作長
歌歌一鉢一鉢歌多中一一中多莫笑野人歌一鉢
曾將一鉢度娑婆青天寥寥月初上此時影空含萬

象幾處浮生自是非一源清淨無來往更莫將心造
水泡百毛流血是誰教不如靜坐真如北頂上從他
鵲作巢萬代金輪聖王子只這真如靈覺是菩提樹
下度衆生度盡衆生不生死不死真丈夫無形
無相大毗盧塵勞滅盡真如在一顆圓明無價珠眼
不見耳不聞不見不聞真見聞從來一句無言說今
日千言強爲分強爲分須諦聽人人盡有真如性恰
似黃金在鑛中鍊去鍊來金體淨真是妄妄是真若
除真妄更無人真心莫謾生煩惱衣食隨時養色身
好也著弱也著一切無心莫染著亦無惡亦無好二

際坦然平等道麤也餐細也餐真學凡夫相上觀也
無麤也無細上方香積無根蒂坐亦行行亦坐生死
樹下菩提果亦無坐亦無行無生何用覓無生生亦
得死亦得處處當來見彌勒亦無生亦無死三世如
來總如此離則著著則離幻化門中無實義無可離
無可著何處更求無病藥語時默默時語語默默縱橫
無處所亦無語亦無默莫喚東西作南北喚即喜喜
即嗔我自降魔轉法輪亦無嗔亦無喜水不離波波
即水慳時捨捨時慳不離內外及中間亦無慳亦無
捨寂寂寥寥無可把苦時樂樂時苦只這修行斷門

尺亦無苦亦無樂本來自在無繩索垢卽淨淨卽垢
兩邊畢竟無前後亦無垢亦無淨大千同一真如性
藥是病病是藥到頭兩事須拈卻亦無藥亦無病正
是真如靈覺性魔作佛佛作魔鏡裏尋形水上波亦
無魔亦無佛三世本來無一物凡卽聖聖卽凡色裏
膠青水裏鹽亦無凡亦無聖萬行總持無一行真中
假假中真自是凡夫起妄塵亦無真亦無假若不喚
時何應喏本來無姓亦無名只麼騰騰信脚行有時
鬻市并屠肆一朵紅蓮火上生也曾策杖遊京洛身
似浮雲無定著幻化由來似寄居他家觸處更清虛

若覓戒三毒瘡痕幾時差若覓禪我自縱橫汨碌眠
大可憐不是顛世間出世天中天時人不會此中意
打著南邊動北邊若覓法雞足山中問迦葉大士持
衣在此中本來不用求某甲若覓經法性真源無可
聽若覓律窮子不須教走出若覓修八萬浮圖何處
求只知黃葉止啼哭不覺黑雲遮日頭莫怪狂言無
次第節羅漸入麤中細只這麤中細也無卽是圓明
真實諦真實諦本非真但是名聞卽是塵若向塵中
解真實便是堂堂出世人出世人莫造作獨行獨步
空索索無生無死無涅槃本來生死不相干無是非

無動靜莫謾將身入空井無善惡無去來亦無明鏡
挂高臺山僧見解只如此不信從他造劫灰
樂普和尚浮漚歌

雲天雨落庭中水水上漂漂見漚起前者已滅後者
生前後相續無窮已本因雨滴水成漚還緣風激漚
歸水不知漚水性無殊隨他轉變將爲異外明堂內
舍虛內外玲瓏若寶珠正在澄波看似有及乎動者
又如無有無動靜事難明無相之中有相形只知漚
向水中出豈知水亦從漚生權將漚水類余身五蘊
虛贊假立人解達蘊空漚不實方能明見本來真

蘇溪和尚

即五洩小師也

牧護歌

聽說衲僧牧護任運逍遙無住一條百衲餅盂便是
生涯調度爲求至理參尋不憚寒暑辛苦還曾四海
周游山水風雲滿肚內除戒律精嚴不學威儀行步
三乘笑我無能我笑三乘謾做智人權立階梯大道
本無迷悟達者不假修治不在能言能語披摩日視
雲霄遮莫王侯不顧道人本體如然不是知佛去處
生也猶如著衫死也還同脫袴生也無喜無憂八風
豈能驚怖外相猶似癡人肚裏非常峭措活計雖無
一錢敢與君王鬪富愚人擺手憎嫌智者點頭相許

那知傀儡牽抽歌舞盡由行主一言為報諸人打破
畫餅歸法

法燈禪師泰欽古鏡歌三首

盡道古鏡不曾見借你時人看一徧目前不覩一纖
毫湛湛冷光凝一片凝一片勿背面媧母臨粧不稱
情潘生迴首頻嘉歎何欣欣何戚戚好醜由來那箇
是只這是轉沉醉演若晨窺怖走時子細思量還有
以我問顛狂不暫迴淚流向予聲哀哀哽咽未能申
吐得你頭與影悠悠哉悠悠哉爾許多時那裏來迷
雲開行行攜手高臺

誰云古鏡無樣度古今出入何門戶門戶君看不見
時卽此爲君全顯露全顯露與汝一生終保護若遇
知音請益來逢人不得輕分付但任作見面不須生
怕怖看取當時演若多直至如今成錯誤如今不省
影分明還是當時同一顧同一顧苦苦苦

古鏡精明皎皎皎徧照河沙到處安名題字除儂
更有誰家過去未來現在諸佛鏡上纖瑕纖瑕垢盡
無物此真火裏蓮華蓮華千朵萬朵朵朵端然釋迦
誰云拘尸入滅誰云穿膝蘆芽不信鏡中看取羊車
鹿車牛車時人不識古鏡盡道本來清淨只看清淨

是假照得形容不正或圓或短或長若有纖毫俱病
勸君不如打破鏡法瑕消可瑩亦見杜口毗耶亦知
圓通少剩

潭州龍會道尋徧參三昧歌

天涯海角參知識徧咨惠我全提力師乃呵余退步
追省躬廓爾從效息覩諸方垂帶直善財得處難藏
匿棒頭喝下露幽奇縱去奪來看殊特趙州關雪嶺
陟築廬峯前驗虎實據證靈由闢萬機橫揮祖刃開
三域卷舒重重孰可委休呈識意謾猜揣衲子攢眉
碧眼喚黃河倒逆崑崙崑崙崑崙崑崙崑崙崑崙崑崙崑崙

呈圓相執水投針作後規把鏡持旛看先匠廣陵歌
誰繼唱擬續官商調難況石人慍色下鞭撻木馬奔
嘶梵天上麗水金藍田玉祝融峯攢湘浪感滿月澄
谿松韻清雲從龍騰好觀矚

丹霞和尚翫珠吟二首

般若靈珠妙難測法性海中親認得隱顯常遊五蘊
中內外光明大神力此珠非大亦非小晝夜光明皆
悉照覓時無物又無蹤起坐相隨常了了黃帝曾遊
於赤水爭聽爭求都不遂罔象無心卻得珠能見能
聞是虛偽吾師權指喻摩尼採人無數溺春池爭拈

瓦礫將為寶，智者安然而得之。森羅萬象光中現，體用如如轉。非轉萬機消，遣寸心中一切時。中巧方便燒六賊，樂眾魔能摧。我山竭愛河，龍女靈山親獻佛。貧兒衣下幾蹉跎，亦名性亦名心。非性非心超古今，全體明時明不得。權時題作弄珠吟。

識得衣中寶，無明醉自醒。百骸雖潰散，一物鎮長靈。知境渾非體，神珠不定形。悟則三身佛，迷疑萬卷經。在心心可測，歷耳耳難聽。罔象先天地，玄泉出杳冥。本剛非鍛鍊，元淨莫澄淳。盤泊輪朝日，玲瓏映曉星。瑞光流不滅，真氣觸還生。鑒照崆峒寂，羅籠法界明。

挫凡功不滅，超聖果非盈。龍女心親獻，閻王口自呈。護鷲人卻活，黃雀意猶輕。解語非關舌，能言不是聲。絕邊彌汗漫，無際等空平。演教非為說，聞名勿認名。兩邊俱莫立，中道不須行。見月休觀指，還家罷問程。識心心則佛，何佛更堪成。

關南長老獲珠吟

三界兮如幻，六道兮如夢。聖賢出世兮如電，國土猶如水上泡。無常生滅日遷變，唯有摩訶般若。若堅猶若金剛，不可鑽。軟似兜羅大等空，小極微塵不可見。擁之令聚而不聚，撥之令散而不散。側耳欲聞而不聞。

瞪目觀之而不見歌復歌盤陀石上笑呵呵笑復笑
青松影下高聲叫自從獲得此心珠帝釋輪王俱不
要不是山僧獨施為自古先賢作此調不坐禪不修
道任運逍遙只麼了但能萬法不于懷無始何曾有
生老

香巖和尚智閑勵覺吟二首

滿口語無處說明明向入道不決急著力勤咬齧無
常到來救不徹日裏語暗嗟切快磨古錐淨挑揭理
盡覺自護持此生事終不說玄學求他古老吟禪學
須窮心影絕

歸寂吟贈同住

同住道人七十餘共辭城郭樂山居身如寒木心牙
絕不話唐言休梵書心期盡處身雖喪如來弟子沙
門樣深信共崇鉢塔成巍巍置在青山掌觀夫參道
不虛然脫去形骸甚高上從來不說今朝事暗裏埋
頭隱玄暢不留蹤迹異人間深妙神光飽明亮

韶山和尚心珠歌

山僧自達空門久淬鍊心珠功已構珠迥玲瓏玉容
分往往聲如師子吼師子吼非常義皆明佛性真如
理有時往往自思惟豁然大意心歡喜或造經或造

論或說漸兮或說頓若在諸佛運神通或在凡夫與
鄙恪此心珠如水月地角天涯無殊別只因迷悟有
參差所以如來多種說地獄趣餓鬼趣六道輪迴無
暫住此非諸佛不慈悲豈是閻王配交做勸時流深
體悉見在心珠勿浪失五蘊身全尚不知百骸散後
何處覓

魏府華嚴長老示眾

佛法事在日用處在你行住坐臥處喫茶喫飯處言
語相問處所作所為舉心動念又卻不是也會麼若
會得卽今無礙自在真人若也未會則是箇擔枷帶

鎖重罪之人何故如此佛法不遠隔塵沙劫你一念
中見得在你眉毛鼻孔上你若不見得如接竹點月
在處切莫思惟不可言語你時中承何恩力若知得
你須有箇歡喜處古人道常寂寂常歷歷諸佛不求
覓眾生斷消息你會得麼一切諸法本無情一切諸
佛本自靈混然同太虛無欠亦無餘會麼若不會直
是箇觸途成滯不知箇身落地處茫茫劫劫只是戀
物著境認色爲實不捨恩愛癡迷財寶立我爭人下
團子意氣此子箇違情面青面赤說強道弱我不受
人欺瞞我是大丈夫兒養妻養子你豈知在業海之

中罪坑之內喫肉如似餓鬼吞屍噎酒如餓狗飲水
愛色如渴蠅啞血不知此身是大禍患恣縱無明愚
養意氣不久敗壞浪死虛生在經千劫徒然出沒何
不識取金剛堅固之體長生不滅之道在世頭拚拚
地口子吧吧地眼子眨眨地無常殺鬼到來向牀上
猶似使心用行戀財戀境驀然驅去見閻老子一詞
不措鐵鑪火炭銅柱刀山盡為戲翫恁時追悔大段
難為免離你如今病未來尋身何不於十二時中求
一毫善利辦取津梁幻化色身憑何為實諸佛過去
留經造論一切善法與你初學底人懺罪滅障漸漸

增長利益求善知識開示解脫法門向無明性中認
取箇真實主人於萬劫中得箇人身也不容易你還
知箇身本性與佛同時本無欠少有一大事在你尿
囊裏糞堆頭光燦燦地圓陀陀地還信得及麼若信
不及也從你深坑罪海永墮沉淪你若迴光返照於
一剎那中卽心念息時中迷惑煩惱癡暗狂情頓自
消滅諸緣境界轉為甘露醍醐安樂國土豈不是好
否聖人道萬法從心生萬法從心滅皆由你心善惡
也只由你心地獄天堂也只由你心只今相應與佛
合智卽是佛也更無相誑直下奉信無疑心卽正覺

又何必歷僧祇大劫此身今生甚大難遇莫道我是
凡夫自家退屈千經萬論只為衆生迷亂不識本性
你暫時間那取此手貪物底工夫看經書上義理只
言衆生被一切境攝著慾之故山僧苦口實為切切
你還肯麼你還信麼尋常著寒著熱此手違情喫辛
受苦不得卻於日用時中自不醒悟整頓取心好為
取身好百年如箭富貴如夢恩情也只不久百年無
多白頭白是病來病是業債來業債是死來死是地
獄來你莫道我為人平生好心吉善只依本分不作
惡事我無罪過別教你有箇好生處我卽今朝未信

你在何故你平等在甚處你還知否不依佛法一切
法皆是邪法外道見解更莫說擔人擔我貪色愛財
餐魚啖肉妄言綺語日費上事罪業極深你莫道我
捨財造塔起殿設僧轉經便為長久功德以此為實
未可託倚衆中老和尚也為你不得你還知麼你有
千般萬種無明罪業佛亦為你不得須是你自家著
力前程自辦你若作一切有為功德只是造業增長
頑福不生箇清淨知見山僧雖然求得供養日夜不
安為慮未是在還知麼一任你說向諸方耆宿笑我
也嫌山僧不得欲問你施主得錢處想你應不濟潤

於人不救拔貧苦者了得了取喫休了取著休早修
行休度此身休悔取心休悔取心休伏惟珍重

景德傳燈錄卷第三十

音釋

斃毗祭切 曹彌登切 跛布火切 足直連切 躑市郢切 躑市郢切 躑市郢切

躑千鄧切 躑徒巨切 擗力沒切 嚙折音 慙陟立切 慙愚癡切

閻口概切 喇力葛切 拏牙葛切 拏斫斃切 拏即括切 糲盧達切 鑛古猛切 喏人者切 汨汨古忽切 糲脫粟也 鑛鐵鑠也 喏宅江切 唾力連切 糲糲莫胡切 盞苦盍切 嚏宅江切 唾子合切 糲母黃帝妃 盞崩損也 嚏喫貌 唾入口也

丹陽居士賞學禮施贊刻此 景德傳燈錄卷第三十計字一萬二千七百七十該銀六兩一錢二分平胡沙彌在照對長洲徐普書江寧尚德刻 萬曆丙午季夏月徑山寂照庵識

翰林學士工部侍郎贈禮部尚書文公楊億任秘書監
知汝列日嘗有書寄李維內翰叙其始末師承書云

病夫夙以頑蠢獲受獎顧預問南宗之旨又陪上國
之游動靜咨詣周旋策發俾其剏心之有詣牆面之
無漸者誠出於席間牀下矣矧又故安公大師每垂
誘導自雙林滅影隻履西歸中心浩然因知所旨仍
歲沈痼神慮迷恍殆及小間再辨方位又得雲門諒
公太士見顧高蓬諒之旨趣正與安公同轍並自廬
山歸宗雲居而來皆是法眼之流裔去年假守茲郡
適會廣慧禪伯實承嗣南院念余嗣風穴風穴嗣先

南院南院嗣興化興化嗣臨際臨際嗣黃檗黃檗嗣
 先百丈海海嗣馬祖馬祖出讓和尚讓即曹谿之長
 嫡也齋中務簡退食多暇或坐邀而至或命駕從之
 請叩無方蒙滯頌釋半歲之後曠然弗疑如忘忽記
 如睡忽覺平昔礙膺之物噉然自落積劫未明之事
 燿爾現前固亦決擇之洞分應接之無蹇矣重念先
 德率多參尋如雪峯九度上洞山三度上投子遂嗣
 德山臨際得法於大愚終承黃檗雲巖多蒙道吾訓
 誘乃為藥山之子丹霞親承馬祖印可而作石頭之
 衣裔在古多有於理無嫌病夫今繼紹之緣實屬於廣

慧而提激之自良出於鼇峯也忻幸忻幸

侍郎問廣慧和尚尋常承和尚有言一切罪業皆因
 財寶所生勸人踈於財利况南關衆生以財為命邦
 國以財聚人教中有財法二施何得勸人踈財廣云
 幡竿尖上鐵龍頭 侍云海壇馬子似驢大 廣云
 楚鷄不是丹山鳳 侍云佛滅二千歲比丘少慚愧
 問門僧表澄承云有言天上無弥勒地下無弥勒未
 審弥勒在什麼處澄云手上木 侍云罪有所歸澄云
 知過人難得侍云喫取拄杖澄喝侍云且放過即不
 可侍郎問李附馬釋迦六年苦行成得什麼事尉云

擔折知柴重問。一旨引衆盲時如何尉云。盲侍云。灼
然尉便休。同光帝問興化和尚云。朕收得中原之寶
祇是無人酬價興化云。畧借陛下寶看帝以手舒幪
頭脚興化云。君主之寶誰敢酬價。玄覺云。祇如興化
眼在什麼處。若不肯過在什麼處。侍云。興化恁麼祇
對是肯莊宗不肯莊宗。試辨看。因僧談道侍郎遂云。
道不離人。人能弘道。大凡參學之人。十二時中。長須
照顧。不見南泉道。三十年看一頭水牯牛。若犯他人
苗稼。摘鼻拽廻。如今變成露地白牛。躑躅地放他不
肯去。諸人長須著些精彩。不可說禪道之時。便有箇

照帶底道理。擇菜作務之時。不可便無去也。如鷄抱
卵。若是拋離起去。暖氣不接。便不成種子。如今萬境
森羅。六根煩惱。畧失照顧。便喪身命。不是小事。今來
受此緣生。被生死繫縛。蓋為塵劫已來。順生滅心。隨
他流傳。以至如今。諸人等。且道。若曾喪失。何以得至
如今。要識露地白牛。麼。試把鼻孔拽着。侍郎云。玄
沙和尚道。大唐國內。宗門中事。未曾有人舉唱。有人
舉唱。盡大地人。總失却性命。無孔鐵錘。相似。一時土
鋒結舌去。且道是甚道理。如今假立箇賓主動者。兩
片皮。豎起指頭。拈起拂子。惣成顛倒。知見順汝。任意

教汝有箇申問處。若是明眼人前。忘生拈掇得出。祇如曾祖和尚。見僧來。便面壁。長慶道。恁麼地接人。驢年得一箇去。我道曾祖也。祇是不識羞。是他明眼人。又爭肯依。今來事不獲已。與汝諸人作顛倒。知見一似結巾。為馬捏目。生花上。祖道箇開佛知見。示佛知見。悟佛知見。入佛知見。教他恁麼道。抑下多少威光。且道諸人分上。欠少箇什麼。雖然如此。我若不任麼與汝。知聞。你又什麼處得見。古人道。知恩者少。且道承箇甚人。恩於此。不明問取。露柱去。侍云。此事大難。釋迦老子。三十七日。中思惟。便欲入涅槃。被帝釋梵

王。慇懃三請。不得已而許之。始自鹿菟。終於俱尸羅城。中間四十九年。大作佛事。說五乘十二分教。如餅注水。後來於靈山會上。目視迦葉。謂大眾云。吾有正法眼。已付摩訶大迦葉。又云。我於四十九年中。不曾說一字。此是什麼道理。若是諸人分上。著一字。脚不得。為諸人各各有奇特事。在喚作奇特。早是不中。也。我道釋迦是敗軍之將。迦葉是喪身失命底人。汝等諸人。且忘生會。不見道。涅槃生死。俱是夢言。佛與眾生。並為增語。直須恁麼會取。不要向外馳求。若也於此未明。敢道諸人。乖張不少。侍舉肇論云。會萬物為

已者其唯聖人乎。如今山河大地樹木人物攃攃地
是同是別。若道同去。是佗頭頭物物各各不同。若有
別去。他古人又道。會萬物為己。且忘生會。祇如教中
說。若有一人發真歸元。十方虛空。一時銷墮。古德亦
云。若人識得心。大地無寸土。此是甚道理。直下盡十
方世界。是汝一隻眼。一切諸佛天人。群生類盡。承汝
威光。建立。須是信得及。方得侍郎臨終前。百親寫一
偈。與家人念。來日送達李附馬處。

偈曰：
漚生與漚滅。二法本來齊。欲識真歸處。趙州東院西。

尉接得偈云：泰山廟裏賣紙錢。
出天聖廣燈錄第十八卷

延祐三年歲在丙辰。四明苾芻希涓。估倡衣鉢。一
功命王依廬山穩菴舊本。翻刊千道場禪幽菴。
集茲善利上報。
四息下資。三有法界。有情同圓。種智者。

跋

右景德傳燈錄本住湖列鐵觀音院僧。拱辰取撰。

成將游京師投進途中與一僧同舟曰出示之丁久
 其僧負之而走及至都則道原者已進而彼賞矣此
 事與郭為竊向秀在子註同拱辰謂吾之意欲明佛
 祖之道耳夫既已行矣在彼在此同吾其為名利乎
 絕不復言拱辰之用心如此與吾孔子人土弓人得
 之之意同其取子必無容私又得楊文公具擇法眼
 以為之剛定此其書所以可信與夫續燈錄遣僧採
 事而受金廁名以亂真者間矣或者猶疑佛祖傳法
 偕無傳譯之人此夏虫不知春秋也佛祖雖曰傳無
 傳至付授之曰豈容不知又達磨具正徧知華竺之

言蓋悉通曉觀其答問安有傳譯哉此如世愚人謂
 教外別傳不立文字便疑枝伽經宋已有之非達磨
 携至豈不悖哉福州大中寺知藏僧正自以衲乳而
 來文籍道厄募緣再刊此書以便道俗賈覽扣余為
 序曰書其後紹興壬子初冬十日長樂鄭昂題

疏

天童宏智和尚讚

道樞中虛理不我取其名像靈機內發智不我囚其
 化通一念深徹本源不處具成神用出氣鼻快從佛
 口生轉眄之間彈指之頃廓若雷龍破蟄炳如

變文諸方衲子之傳一等丈夫之作達磨來不立文字威音後須臾師承符合符而規矩相投心印心而語默俱到燈々續焰分照世不斷之光明葉々聯芳綴靈種不枯之春色嗣連祖譜師紹誰宗綿綿踵武之人的的克家之子剛柔可則爛爛憐百鍊之金剛黠不移區區抱三獻之璞不可期也開池得月難其契也擲芥投針出爐鑄而放光入鉗鎚而成器自得受用相求證明哆々呶々底放教舌上毛生磊々落落底投使額頭汗出下拳可畏其勇却來捋虎鬚攢攢攢依勢且驚者取弄蛇手段相分圓缺應用合宜

位列正偏隨機中矩毫釐有差而天地懸隔絲髮未淨而蠅螿留連不聞不見以降魔箇非泛泛自呼自應而作主許是惺々區擔頭事々挑來布袋裏般々着得短長在我寶公杖頭剪刀節奏由誰萬回懷中花鼓僧伽楊枝舉起木土柏板歌行細鳳釣鼈也本分工夫撈蝦搥蜆也平生快活應接磨龍之妙對酬錐鑿之方電卷之機輪風馳之問答打草驚蛇之句探竿影草之功啐啄同時心自相照任運騰々而無累平懷坦々而不羈出家行脚之因緣坐脫立去之時節紀之編簡如見古人將以著龜可格後學

神契慎勿言求恐口耳之流通為身心之障礙
思鑑又軫此懷阿祖傳燈欲成其印入眼要分青白
開口莫亂雌黃葛藤窠無作自纏擔版漢
不嫌人喚輒投同道相與結緣

始從唐林終至朝祚於其二中際全無一字涉佛
涉所載之宗欲祖師所傳之妙自不是教意存此
祖意之謂矣然如誰涉與盡之外而所傳燈也
此錄授與南方每人板行東土天下禪林思慕久
矣粵有勢列前太守若沈氏琳玉等於于涉時浸

于梓本燈之續縮光顯其傳焉事在矣曰吳僧
造原復生本朝淨法普濟大聖令知降承有在耶
亦宗侍侍者化他而費于七百善知識物以酌未之
楫者歟

貞和戊子八月廿五

南禪乳峯士學謹誌

景德傳燈錄後序

左朝奉大夫充右文殿修撰權發遣合州軍列事劉 斐撰
傳燈錄鏤行舊矣兵興以來其版在飛慕心宗者患
無其書僧思鑒發人也世禱訪道三十年矣亦

同悟涅槃妙心而思有以資發之也廣募淨信後金
其板緇素贊歎而助成焉或曰自心之法無形不從
人得初祖釋迦而降無一祖師非冥契而自證者故
達磨直指不立文字少林九年面壁而已雖二祖立
雪斷辭一字亦不為說但遮其知見之非二祖因是
得正知見豁然大省則二祖亦不從達磨言句中入
迺自證也且百丈卷席雪峯執毬曾祖面壁石鞏駕
前道吾舞笏烏窠吹布毛俱服舉一指古德如此示
入甚多不在言句之間故也言句且爾况文字乎心
宗要當自參祖師言句於我何與焉余曰不然心漢

雖曰無形然遍一切處翠竹真如也黃花般若也
蜩發機管絃傳心乃至墻壁凡藥無非說法故靈雲
見桃花悟道玄沙請語燕深談實相然則大地皆是
悟門孰非此道况明心宗言句乎况載明心宗文字
乎若二者於心宗果無與耶薦福古何為閱雲門錄
而省黃龍心何為讀多福語而悟蓋言詞相窳文字
性空亦此道耳若即文句文字而見性相之空窳是
乃一超而直入也吾故知是書之流布發明心地者
衆矣且鑿之募緣也台之寧海邑民周氏歎曰吾地
有大梨木閱三世矣比歲我家之人各嘗夢其

樓閣行廡而無數僧往來於其間每疑之乃今五
當刊此錄耶遂捨以枿版且邀鑿即其家僦工而刊
之既刻用氏慶六僧求已初者觀焉周問鑿曰此何
僧耶鑿曰此六代傳衣祖師特來證明此事也嗚呼
是書用為一大事則宜有感發之祥以發寤人心余
故并列之庶觀者知非小緣而堅其信心云紹興四
年上元日等慈菴善男子雖陽劉 柴仲忱序

寬永庚辰曆京師二条寄住田原氏 近隆
審加倭訓命工鏤梓不是後学大幸乎
庶幾此書永行于世矣 閑雲 謹書

寬永十七之春早執徐

暢月六院

二条通鶴屋町

田原仁左衛門梓行

